

譚友夏合集目錄 卷十六

嶽歸堂已刻詩選

五言古

趁月早行

送盧非敷北試

除夕同諸弟妹侍老母守歲率爾命篇

遠村二首

其二

輓謝通明

答贈胡彭舉

吳聖初許以園林見借讀書同茂之先往觀

之因題壁

虎井

清涼寺訪謝少連

胡昌昱來永慶登塔始言寺後有太赤石尋

之則如臺如坡色紅如染旁土皆赤下有

清流環帶悔前此答康虞詩有深林少一

溪之句非昌昱幾失此石與水矣作詩志

愧

贈馮宗之

十月二日遠韻弟生子雨兒

夜沉

冬月可愛將赴伯敬招與孟和茂之彥先詣

子賞焉

山月二首

其二

湯池

南湖鼓吹曲(同諸子限作古體)

送江伯肯先生

送孟和兼寄海鹽馮宗之

寄懷胡彭舉

馮元成太參來官湖北移書垂問答贈一章

得宋叔愈書寄懷

謝彥父兄弟陸舟亭

南湖十一月二十四夜月

孟誕先見訪寒河約入九峯山讀書四首

其二

其三

其四

江酌

夜次陽邏同夏平尋山

遊九峯山二首(有引)

贈賀克由

閱西京雜記

詠夏統

啼雛引

客夜聞布穀

園中

得家書二首

其二

開看胡彭舉畫

菊圃

讀陶詩詩爲魯文恪手錄

答吳康虞謝公墩見懷

聞林茂之乘便上楚

商孟和以侍姬畫蘭見貽

麥枯鳥

得林子丘書

新月

歎菊

月下知伯敬到家不得茂之同行消息二首

其二

述憶

待螢

答伯敬別河上入城中作

和伯敬省鶴

途中新月

夜由蒙泉過惠泉作

汎江尋三遊洞降觀于峽

伯敬典默試過家還京與予遇于安陸以詩

三首

其二

其三

哭江伯肖師

寄黃貞父先生兼懷湯臨川（湯曾序刻譚

子五篇）

立秋日寄答毛止生

南嶽歸得無易先生書兼蒙刻退尋詩于都

門

見弟遠韻服膺詩勉而贈之

秋野喜王朱明李朱實見過

訪鐘和弟遠韻服膺

掃除候朱觀察將枉寒河居

黃鶴樓下觀徐子卿明府所製太白堂及移

置湧月臺諸蹟呈成都朱公

愛紫竹菴路徑因宿其中

紫竹菴僧導予尋十方菴

行桃川道中憇于桃花源二首

讀蔡敬夫使君助謝少連歸葬檄

敬夫先生相飲于虎溪山予先往後宿垂詩

見問率有此答

華洞

大酉洞

玉田洞

從敬夫先生泛舟登塔至別日作

謝友夏合集 卷十六 目錄

譚友夏合集 卷十六

嶽歸堂已刻詩選

竟陵 譚元春友夏著

五言古

趁月早行

穿林魄當午。出谷尚紛紛。螢燭次序朗。促織參差聞。愛伴追前儔。我僕自離羣。行子驚太早。不知農久耘。陰蟲各切切。行子各云云。涼意消殘暑。望望昏旦分。二曜輪晝夜。乾元何乃勤。全村未烟火。初日流野雲。

送盧非敖北試

仲冬氣凜冽。春陽自茲升。雁載日影往。淒響落汀響。始念一二友。新被賢良徵。不善匿光彩。致爲世所稱。入門離母妻。涕痕積薄冰。上辭所生父。下別益者朋。執手語同申。曰爾遠飛騰。微哂罷祖帳。高言露丰稜。父命一以嚴。敢不心力并。冀友贈良訓。不揣語因仍。友棲梧與竹。使我葛與藤。友爲蚓與蟬。勉我蟻與蠅。夙誨焉在哉。勃磈上車轅。

除夕同諸弟妹侍老母守歲率爾命篇

煌煌燈九微。泯泯酒百壺。親弔各言歸。張筵列友于。五弟三嬰婦。父道在須臾。四妹一贅壻。作婦尙踟躕。令弟師寡兄。靜嘿坐甞甞。慈母徐見謂。茲夕是歲除。暫許一追歡。俾毋忘母嫗。始教呈百戲。角抵焉肯攀。嬉戲雖小道。亦得見敏膚。暢歌復暢舞。粲唱如灌輸。奇巧有天機。專精疑所趨。多能衆所營。肯使君子居。規璣截歡謔。老成

甯避迂。四坐僉譏然。聽我做無虞。小妹不畏人。擗我髭鬚鬚。

遠村二首

投足禮天然。閒院木石香。有一長眉叟。背手看稻梁。近前果父執朴野。無他腸。隨我至我家。不揖徑坐床。呼我以小子。語笑皆上皇。見我多僮僕。導我盤藕塘。繙案觀陶詩。欣然求數章。何以潤我筆。歸卽獻百觴。不然春蠶出。贈我絲衣裳。喜爲縱橫寫。字亦不尋常。與訂來往約。年高恐健忘。

其二

沙鷗差池飛。林鳥先後至。重陰漾日影。遠村無村氣。健母怒嬾子。不甚責家事。觀書領大意。命觴取微醉。池上照水笑。塔下遶石睡。并逃上農名。尙愛圃間利。閒是清人福。足是遊人騎。知止卽止矣。弗畏恐人畏。

輓謝通明

朱夏來淒風。有聲尙無淚。足自出郊垌。起坐失遷次。維歲在甲辰。與君初把臂。曰旣盟之後。歸好如兄弟。魏子病數月。死尙留一字。子病未嘗聞。三日流風墜。惜哉苗已秀。未實翻爲累。怨子不自珍。適以快衆忌。曰諸生存者。而皆斯人類。淒淒重淒淒。霜月冷枯麥。腰鑣斬葵藿。繁雜刷羽翅。正月來湖上。村村含煖氣。私疑子顏色。秋橙黃不啻。執手再三別。宛有永訣意。小窗孤燈時。弄影儻見覩。同志念疇昔。敢叱爲鬼魅。

答贈胡彭舉

楊柳森有行。云是君家路。梧桐古無葉。云是君家樹。到門雲不開。嬾石多防護。殊無延款意。致使君成怒。柴門乍啓時。歡笑如平素。此翁從不然。石深疑其故。數載良所欽。因與遜散步。納履抱深情。老人期敢悞。青風不相待。先我至蔬圃。

吳聖初許以園林見借讀書同茂之先往觀之因題壁

雨寒寒照眼。委巷露茅室。信步窮高下。不知徑所出。阡陌太縱橫。頓使城郭失。千竿修竹林。潤滑含雨質。春光與晴光。此中恍難必。結侶先結嬾。閉門志則一。靜對野塘闊。以待花事畢。

虎井

披榛求山泉。寂寂入遠境。山泉出山澗。不如在山井。紆曲斷行人。薜氣斂碧冷。上無幹與欄。下無瓶與綆。淺汲不盈盂。微月生盂影。坐對茗床間。色味深以永。鐘磬善護之。幽菴正隔嶺。

清涼寺訪謝少連

久雨喪春光。微曦勤躋攀。日偕二三子。尋幽千萬端。朝園看山往。暮因穿竹還。稍窺竹外竹。忽覩山上山。中有枯寂人。著書歲月閑。叩戶久不應。開門知春寒。榻設鐘磬裏。苔侵窗櫺間。流鶯語初滑。臺峻飛未安。送迎心意總分手。門旋關。

胡昌昱來永慶登塔始言寺後有太赤石尋之則如臺如坡色紅如染旁土皆赤下有清流環帶悔前此答康虞詩有深林少一溪之句非昌昱幾失此石與水矣作詩志愧

來茲已浹旬。一塔伴幽獨。舍利放窗紗。倒影涵林木。我侶異常情。導以幽人躅。歷歷穿僧房。頭與檐牙觸。圓窮窺伏石。簡質踞空谷。紅旭亂峻壁。朱霞棲崖足。弱蘋覆小溪。碧波細曲遠。近周覽時。初往意何屬。登頓未歸前。再來徑當熟。

贈馮宗之

畸人懷堅質。達士無常盼。所期有琴瑟。清徽永不變。吳楚已隔絕。矧子越中彥。聲氣偕有聞。未契以初見。子若雨後旭。予若霜中霰。萬物覩恩威。寒燠恣所便。

十月二日元聲弟子雨兒

萬情歸書史。阿才來掀翻。（阿才。小米子。）知我未嘗子。特與弄晨昏。去冬送我南。欲步尙扶門。今秋聞我歸。狂走之丘樊。庭中無乖氣。小兒知本原。宛伸我膝下。親親非講論。曉雨打寒被。殘菊香籬根。老母晨攬衣。喜聲到北軒。聲也孝過我。生男兆後昆。眼見不三十。需次入嫁婚。輸我無斯累。而專伯氏尊。阿才率阿弟。無敢不寒溫。老母願而語。未若汝有孫。

夜汎

楊柳照火光。上下流波影。鳥鵲飛月色。差池穿雲境。汎茲素心人。歌吹動而靜。秋意存汀洲。冬情生坡嶺。棹知河源涸。衣知河氣冷。諸人同不言。其心亮耿耿。

冬月可愛將赴伯敬招與孟和茂之彥先諸子賞焉

寄托無全適。友朋西以東。會面不可暢。景色雨以風。夙昔備茲艱。償之自今冬。前月月太明。冬趣畏其窮。及此復皎皎。清絕不言中。孤雁一聲烟。星辰惟有空。馨氣入窈冥。千里高寒通。來宵留月在山間。照青松。

山月二首

清光不厭多。高人不厭閒。心目周境外。置身于其間。上山月在野。下山月在山。

其二

衰林無一留。葉與月俱落。光已散廣除。寒仍枝上着。竹影沈山影。欲令霜華薄。

湯池

不必與人異。茲泉行非獨。未知冬何往。寒風乍不肅。窮源雖移步。難測何川瀆。石釜鄰廣阡。中虛通百谷。不新復不爨。有若旦旦旭。烟霧相氣質。水火同風俗。分流廢桔槔。往汲便櫛沐。魚亦游其間。能以爰爲齎。苔蘚安固然。四時中邊緣。有何賢與愚。不令同濫浴。

南湖鼓吹曲（同諸子限作古體卽成）

良夜宴君子。萬籟歸中正。水凍無興波。條衰貞餘勁。眇嘿何以歡。韜革通人性。深寒溼蓂鼓。歛與簫管競。廣
檀散喧闐。密坐還淵靜。聲音之所爲。仲冬行春令。融融冰以解。溫溫霜欲竟。心樂同與衆。耳力竭惟聖。賓也詩言
志。人協自歌詠。

送江伯肯先生

吾師不可及。淵然若老衲。遠遊動三年。歸家纔一臘。徂冬往鍾山。遇師在蕪關。人聲雜檣影。意色翻爾間。臘
月燕京道。車馬爭逼蚤。人盡師乃發。道京生青草。閉戶飽風霜。出門見日光。淨默理幽思。黃沙空一囊。

送孟和兼寄海鹽馮宗之

朝朝出門望。新與林生期。意氣附楚舟。非子當爲誰。相見不勞苦。問子今所爲。十日山煙滿。九日湖風吹。歡
娛不可極。子又當別離。家山遠復遠。子今何所之。曰開鍾子北。亦遂從此辭。南北無定情。隨行人未知。萬里不告
家。古人類如茲。入京見馮子。爲我視光儀。人亦有至言。嫵婉當淒而。白門深風雪。黃河流冰漸。良朋散四方。是予
閉門時。

寄懷胡彭舉

懶出存天機。子予來去頻。猶云江頭日。送我不如人。此情非流浪。公性自來真。慚我尙寒士。憐翁有老親。世
道眼光薄。兩兒空沈淪。感此不能飯。拂拂私自陳。臆送我友南。煩爲致情神。舟楫無踪影。江水非車輪。計到君邊
時。寒梅交冬春。年華未肯駐。白髮慎勿新。

馮元成大參來官湖北移書垂問答贈一章

辭人凡九變。大要歸楚辭。三百孔黜楚。楚賴靈均垂。無論賢與聖。不磨在精思。我所必起者。人亦難廢之。南

鄧沅湘畔。不見芷與離。武陵自有溪。桃花所莫迷。已非古人境。空想古人奇。芳菲存毫素。我公幸臨茲。愚生本疎內。異采難華滋。靜中悟離騷。稍與初體宜。屈子何哀澹。楚原非猖披。振衰還古則。舍公當爲誰。

得宋叔意書寄懷

小廬枕寒河。蒼木寫子子。四序惟謹戶。有時湖鳥絕。野人正惆悵。遠書到手拆。喜乍無細讀。首末倉皇閱。竟陵水邊影。貯爾華亭月。

謝彥父兄弟陸舟亭

憶昔乘月色。叩園登城際。忽見城頭光。波爲月所碎。齋竹借清容。是時百雉潰。水月不可常。官吏興其廢。二謝步柳下。慨然念荒穢。纍土與堞平。亭之但點綴。孤洲分漁牧。遙煙裹松檜。閒坐看蒼茫。嗟彼勞人輩。此亭有佳致。不在此亭內。我家臨流水。羣木良可愛。鳩工月置亭。落成皆此類。

南湖十一月二十四夜月

明月涵南湖。湖中鳬鴈呼。霜氣結亂聲。能使明月孤。明月平湖水。水明光未已。奇寒欲作冰。冰成寒不止。

孟誕先來寒河見訪約入九峯山讀書四首

我作竟陵歸。子作江夏送。子一回首情。入我經年夢。夢殘將欲續。江帆門外凍。

其二

訪子自去秋。白月指江路。今也冰未開。寒花不可度。忽于是時至。交道見歲暮。

其三

退谷與杯湖。元孟分主客。不爲人所厭。至今人嘆息。幸而子相念。使我如古昔。

其四

終日學古人。負子九峯約。漸感子重訂。萬松如有托。松影近何如。往見樵僧縛。

江酌

長年循古港。林屋相爲依。羣山悵已遠。回首夕其暉。缺月吐秋嶺。高深光欲微。一觴聊復滿。舟蕩遙波歸。水涯接荒岡。烟蓀花飛飛。

夜次陽邏同夏平尋山

靜人真可偕。高趣晚無遑。人家殘漲後。初乾沙紋迹。軟步過秋草。寂寂林下宅。宅邊如有逕。諒爲茲山闢。微茫大吠顚。向下人聲積。高處天地靈。長江動空碧。一燈聲杳然。嶺爲溪所隔。不必詣其所。惆悵亦有獲。

遊九峯山二首（有引）

癸丑八月晦日。寒溪汎次江夏。由小洪山。經卓刀泉。至九峯寺。從寺望之。但見松而不見山。從山下望。又見山。松竹石而不見寺。武昌夏平。衝病相先。而友人龍夢先朗伯讀書其中。終始予游。語默酒茗。皆得其所。足力竭。卽目之。知力竭。卽耳之。足與耳目會。卽心思之。藉草撫松。踞石枕股。行止坐臥之間。有詩二首。授寺僧藏焉。

衆山作寺圍。羣松作山護。纏綿青翠光。山欲化爲樹。根斜卽倚磴。枝隙已通路。陰雲貫其下。常令白日暮。麟刺裏山巔。飛鳥慎勿度。

其二

將尋前山去。先望前山影。風日沉午鬱。細行君始省。山蟲秋草深。遠江隨步冷。一自高皇關。悠然怪石永。安知月明夜。學公不半嶺。

贈賀克由

短刺不宜暮。難爲欲見心。望暝投君所。持此相待深。安雅觸外觀。已備銘與箴。洞然懷密鑒。津津非浮沉。志士豈不藻。指歸在素襟。

閱西京雜記

青青漢文陵。杳杳商湯丘。高識破今惑。遠覽欽前修。南山誠有隙。石槨詎良謀。唾壺玉蟾蜍。空復爲人留。屏閣列雲母。牀上列罽毼。鴛枕錯男女。暴露多王侯。黃霧宜繁冤。白狐起相讎。千載有遭遇。問焉恩與讎。傷哉瓦礫人。而亦罹厥憂。厚葬愚復愚。薄葬空慮周。所以賢達士。但保生無愁。能逃廣川虐。終爲來者搜。

詠夏統

會稽有真隱。曝藥來雒城。士女競上已。顧瞻良匪輕。賈充是何物。亦欲知其名。鹵簿耀浮橋。砥堅木石貞。胸中多所曉。抗節與奇行。語仕則不答。問談卽縱橫。水戲雲波駭。歌嘯沙塵生。欲令驕倨化。須使鬻俗驚。至人若仙佛。指點一世明。太尉自太尉。歸途仍尊崇。

啼雛引

夜雨濕鴉巢。一雛落榆樹。毛羽尙未成。苔滑初試步。鴉啼古瓦間。啞啞伴朝暮。如何將雛憐。不能將雛去。莫謂鴉不言。鴉啼是鴉訴。仁者此其時。心心視欺捕。卵生自天地。慈根有攸固。靜坐通物性。反哺非無故。

客夜聞布穀

百鳥宵正寂。鳴蛙聽未起。布穀何處啼。關我鄉園喜。昨得潮田信。新雨潤一指。日者諒已耕。田事皆經始。冀我出門來。事事後鄉里。賴有此聲切。或入家人耳。

園中

寂寂向何處。一園相昏曉。有塘自能深。鹿眠春雨少。光風吹二月。生滿萋萋草。細花布野黃。裙帶知之蚤。

得家書二首

客路纔兩日。鄉夢易爲靈。近客久不歸。亦若千里情。書來報我弟。孟春一子生。以此開母顏。承歡勝其兄。問使靡所遺。乃今麥隴青。資生非末策。高閒賴此成。

其二

書尾一二事。焉知遠情傷。既逝西鄰叟。復道中丞亡。貴賤此莫分。皆我先人行。泉下相聚期。常較生前長。屢遊凋鄉里。旅燈逢悲涼。惟我出門人。親見流電光。離家只似昨。已度三春陽。

開看胡彭舉畫

因憶胡居士。將畫時一看。在目但須臾。行遍江南山。空陰結積翠。羣林聲響乾。蒼蒼溪雲并。溪寒雲亦寒。人度石梁盡。晴開野庭閒。高卑幽氣入。下筆非有端。可以獨依依。愁中通夕安。

菊圃

愛菊待桂花。良非知菊人。微雨過青色。遠舍重九神。有韻卽堪對。黃白非所論。除草疏餘塊。澆剔當必身。螟臚胡爲來。捕殺于其晨。旣害我田稚。傷菊罪唯均。感此不能去。籬邊行數巡。計到花開候。踪跡難具陳。

讀陶詩詩爲魯文怡手錄

陶詩淡如此。微雲沉古潭。密奧了無際。冥冥真氣參。高非由簞瓢。趣豈關沉酣。素而不近枯。心聲如可探。我欽鄉先達。已深躁銳慚。想其寫此帙。清風吹茆菴。

答吳康虞謝公墩見懷

旅次有君詩。是君向時作。新句忽復續。腸如泉未涸。自言上古墩。憶予獨蕭索。東南名雋區。此意挽浮薄。暮年急棲止。土功手荒度。白門以自永。君其善寄托。

聞林茂之乘便上楚

金陵傳春信。云同鍾子船。步履不安投。由其心想牽。茫茫離家事。將發語多遷。言笑靜波濤。何難江路千。我亦方羈旅。愁心正悄然。歸家不問期。只在君到前。

商孟和以侍姬畫蘭見貽

聞子有新入。敢向問顏色。彈琴淮水深。將之閨思卽。貌蘭花莫莫。斜倚自拂拭。點染發靈通。摘花如何得。韻格與子同。勝處嬌無力。男子樹不芳。此理入筆墨。寫以寄故知。見子未迷惑。

麥枯鳥

玄枯當曉窗。啼作田家聲。青黃接平疇。老農一飽情。開窗語麥枯。啼時莫向城。城中富人子。挾彈傷汝生。舊穀正須賣。恐今米價平。

得林子丘書

猶未開君書。先射書中語。怨我胡不南。相思徒煩汝。動以淮水月。泛舟歌白紵。或稱遊屐滿。聞聲遙見許。開書向書笑。何無乖貳處。則知納交深。意嚮傾靈與。可以影寫君。呼君于寸楮。

新月

早夏寒盡脫。園夕餘陰森。不知明所自。如霜白空林。淨裏澄遐觀。漠漠天外尋。良久乃可得。月魂一縷深。

歎菊

菊色日以好。閒情惟所觸。常憂蠹賊侵。曾防小鳥啄。籬門未周密。意外至麋鹿。青草亦自肥。物性鮮知足。所惜蓬蒿長。雨露受命獨。勿令遂得志。除之惟我僕。

月下知伯敬到家不得茂之同行消息二首

一步不能遠。此時園圍東。黃鸝啼明月。人幻明月中。幸聞所思歸。江上過春風。歸時未卽見。情更怯形容。去來園文物。因想舟所同。問月還自答。乃驚孤客蹤。

其二

交遊不待擇。與君共朋友。數年月光多。同志領已久。一自散五華。作客不無苟。不歸非初意。况在君歸後。進退先自理。焉用空攜手。

述憶

憶家無昏曉。忽忽心想作。一思周全家。相引如線索。諸季安荒村。庭槐受陰博。幼弟伏師仁。十齡獨城郭。次妹髮過眉。老氣知局鑰。小姑不刺繡。取權止簾幕。骨肉無厭時。啼聲皆至樂。一生多子姪。添累覺產薄。幸而老母歡。安問琴書托。將歸情更繁。寂寂燈花落。

待螢

此物來書幌。我昔多仁慈。禁人下衫袖。安用撲扇爲。如何今庭院。光影未相窺。因此亦歎息。微客萬事遲。草蟲園一燈。亂投非所期。倦倦望寒火。休燈以待之。應于草頭點。亦向林際追。空闊豈不有。或我掩扉時。

答伯敬別河上入城中作

幽光映五月。槐柳交涼魂。上堂尋故途。河清搖後門。漁商火兩岸。農圃煙一村。客去如落葉。子獨住若根。形影有無中。動息以吐吞。斂子殘語笑。催子上車軒。世上所難別。故人與丘樊。

和伯敬省鶴

昔子移鶴歸。江中月影長。今子共鶴居。搖搖竹樹光。清種根造化。頂霞毛則霜。洗然不可肥。又非絕稻梁。貴在飲啄一不染。以能良。我住子山下。省視亦多方。分其數日勤。于見同行藏。請子啓柴門。步趾自有疆。高人畏鶴

繼勿令守者防。

途中新月

微路下纖月光。委秋天薄。昨宵已如是。山行夫乃覺。僕夫不借照。靜者知起落。

夜由蒙泉過惠泉作

懷挾蒙泉情。安坐惠泉裏。二泉自相友。合流爲澗水。天風語蛟虬。詭激疎心耳。秋踏暮山空。奇響纏躡趾。泉亦茫昧然。聽命于元始。物各以所感。相近爲悲喜。聰明而靜篤。肅肅發妙理。還寢告衾枕。清夢當如此。

汎江尋三遊洞降觀于峽

峽意霧邊動。寒江陰相束。石旁攀青草。參差踏水木。地靈不肯凡。崩剝爲洞屋。何年空其中。覆幬人寒燠。潛澗日成碧。聽傾聲如告。有壑因有徑。徑窮心魂肅。下巖立壑底。秋氣蒼然綠。夾壁遲日月。前路問出谷。澗不離於耳。江忽然在目。舟人守月光。帆順亦交曷。

伯敬典黔試過家還京與予過于安陸以詩三首

文物奔王命。子之黔中行。不敢薄其荒。况肯引爲榮。問答策朋友。肝腸忽有聲。以家爲道路。驅車仍去京。霜雪我無緣。寒香村氣生。

其二

北馬頭相向。無我霜影少。天命我知之。投放於飛鳥。作客子道旁。肯作蟲依蓼。知音少嫌猜。相與就深杳。謂朱無易。縑被束羈思。豈無昏與曉。靜聽車鈴聲。屢爲桐葉擾。經過盡萬重。貽蕩日月小。欲上安苗書。朔風吹矯矯。

其三

路陰客子天閨陰靜女。自暗懷悶凄冲。水霰不能悉。徒御所莫聞。抱膝歎孤驛。深情不自諱。能以情爲質。志士聞我躬。我後敢不恤。

哭江伯肯師

始信勸君時。我亦非過慮。至今丹火間。只同江水去。在日好神仙。云我此道未。骨寒輕萬物。秋冬之氣備。後昆君意外。天道暗中曙。君有遺腹子。神理想古松。哭君在其處。

寄黃貞父先生兼懷湯臨川（湯曾序刻譚子五篇）

我昔愛文章。論公與臨川。語似註易理。舉世以爲然。臨川抱遠想。遙題我新篇。曰今之譚子。世遂知其編。以子方易注。如室到雛邊。頗覺離向疎。竹槿亦幽妍。若從室中窺。猶恨在風煙。前後生正接。疎密界何縣。不報臨川書。凡寄公兩箋。但知注易處。莫擬常周旋。

立秋日寄答毛止生

桐葉不妄落。靜待秋光入。一葉蟬雨間。風吹疎簾急。秋紅欲愁人。振衣光中立。想君白門夜。淮水兼露濕。三年書不報。字字成疇昔。

南嶽歸得無易先生書兼蒙刻退尋詩于都門

楚蜀路循環。久官如鄉俗。燕楚音不斷。相訊如家屬。我蓄山居情。退言於水木。曠服經國門。懸之而後宿。技成墮煙霧。君子以爲辱。好下嶽雲來。精魂無收束。披公書久之。始知身倚竹。

見弟遠韻服膺詩勉而贈之

自閱古今書。佳處止人懶。誦聲繚水木。柴門之內滿。我自經年來。城闔迹常遠。塞爾舊聞見。爾心如乍澣。鑄碧藻爾思。桑麻淳爾眼。魚鳥寬爾拘。風花資爾婉。詩句是何物。出腸能暫緩。驚怪爾初學。爾自謝太晚。不見蒼蒼

陰筍高而竹短。

秋野喜王朱明李朱實見過

暇日多在秋懷。孤照曉月。白鳥飛高冥。一聲砧際滅。我友同涼風。出入於林樾。帆影過天機。亭端有超越。各盡丘墟務。庶清煙火骨。秋草是何情。霜露莫相忽。

訪鐘和弟遠韻服膺

鐘聲泛波濤。不爲前溪隔。安知入夜深。細與書幌迫。僧鐘雨不休。每夜至數百。人鬼奔餘響。靜者如指摘。行愧踏平蕪。觀鐘所爲迹。佛火疏似星。諸天來無席。

掃除候朱觀察將枉寒河居

河上沈吟遍。空林疏草廬。問有使君至。且還輟我書。雖是素心人。敢不候其車。補籬將及亭。寒月夜空虛。貧家豈言備。得使落葉除。

黃鶴樓下觀徐子卿明府所製太白堂及移置湧月台諸蹟呈成都朱公

奇字產頑石。我昔念荒榛。此情抱幽獨。遂通志氣人。不知何端委。爲樓生精神。如舟搖月波。江光蕩芳辰。曰也與之居。詩魂搖江津。來時月已過。散步非一巡。竟乏登樓思。新處領其真。君子巫峽來。湧月上車輪。

愛紫竹菴路徑因宿其中

竹柏殘冬葉。荆南易爲春。煙稠下菴路。吐翕開其神。微哇入古塚。稍探知有人。菜甲裏晴色。農圃僧多真。飢渴想寂寞。鳥語聽村晨。

紫竹菴僧導予尋十方菴

隔風吹磬來。問僧此何菴。其名曰十方。廣大令我慚。導從來處去。好徑喜重探。森森衆香林。禪滿任君參。香

飯罷眞性古佛立相談。接引知無已。朝花先上龕。悟矣松栢旁。相視如空潭。

行桃川道中憩于桃花源二首

夜興檐露語。所祈光暫開。川源頗歷歷。未可令風蠶。自顧世情稀。能察仙所裁。輕舫渡天地。山水如胸懷。一洩漁人氣。井竈車馬哀。

其二

平桃夾一徑。未開已光輝。何必自秦人。肯種卽芳菲。高壑蓄春雨。雜與泉源飛。磴磴挂聲響。升降之際微。蘿木交濕光。幽獨穿翠圍。欽步隨鐘返。風雷司巖扉。

讀蔡敬夫使君助謝少連歸葬檄

謝子客清涼。我嘗開其牖。散帙妨出入。環坐一窮叟。呼之兩三聲。心常不應口。肅肅氣欲無。歷歷於蚪蚪。漢唐鑠老儒。唐史介成否。傷哉苦心人。死亦近二酉。理齊故鄉亡。孤兒抱骸走。文章卽交道。檄行翼廣柳。唯恐著書人。或先蒼梧朽。目之以才鬼。魑魅焉敢忤。奔謝洞庭黑。質疑夢拜手。

敬夫先生相飲于虎溪山予先後宿垂詩見問率有此答

晴雨轉倉卒。山靈非區區。欣霽出郭西。春明詳衆殊。檐葉濕未墮。西雲吹衣裾。夕陽與新月。相繼同一孤。夜宿經梵中。理言如串珠。片語偶失記。慚歎至啼烏。

華洞

黑雲埋地底。煙霧不得結。潛與炬同入。以此爲日月。陰濕沁空冥。初火照難徹。偏僂尋石隙。容光隨曲折。石筍亂棕櫚。拂音皆清越。目縣高下乳。彬彬相錯列。疊成八撮紋。龕影竊古雪。萬象不可窮。閒坐石上閱。

大酉洞

奔湍肅人清。流作谷中顛。陰崖暗相轉。不出寒火外。誰其覆載之。深廣自映帶。石色想周秦。蒼然不待繪。如見所藏書。簡質安用汰。一吸精液還。始落白雲界。

玉田洞

數日穿壁屋。潛行元氣間。輕舟愛新水。近洞生餘寒。一泉鳴深黑。終古音可觀。以石爲起止。與沙相更端。微明露崖末。過此亦知寬。

從敬夫先生泛舟登塔至別日作

一舟是別舟。汎眺已非昨。長歎春水前。山花棹外落。舟歸路不歸。悵矣尋靈嶽。